

有侵欺行弊及輻跡不以時收貯不如法致有腐壞者要追
陪當該官吏人等應提問者提問應衆
奏者衆寃提問如此則貪暴知俱錢糧無虧

崇文門抽分禁革奸弊剎

弘治元年四月初一日戶部尚書李 等題為陳言
振肅風紀裨益治道事該廣東道監察御史張預題
前事抄出刑部看得所題八事皆切時弊合當議擬
開立前件如蒙乞

勅都察院將本官與主事張所言事件通行出榜及曉諭禁
約則積年作弊一旦革除而稅課之增亦不可裨

國家之用失題奉

聖旨供送車輛果係官吏監生軍校家人不係客商串同豪
勢的不必盤驗其餘准擬欽此

計聞

一日嚴關防以免走避臣看得客商慣來京者到
於附近地方令人報知熟識之人時化員下赴分司接

稅私引任家發賣本司雖有額設巡攔一十六名收數錢鈔尚且不敷況地方廣濶不能照管舍無將東京總甲听臣節制遇有前項走逃之徒許令緝捉赴司投稅如不行用心致貨走漏者事發與客商接引者一体治罪則閔防嚴密課程不得沮漏也

前件看得本官所言客商慣來京者到於附近地方預報熱識之人將貨私引在家發賣要將南城東城總甲听其節制遇有走稅之徒許令緝拿投稅一節緣東南二城地方實是廣濶一十六名委的不能照管若令總甲听令御史者節制因為相應但近有事例不許總甲各處打點合無行移御史主事嚴督東南二城兵馬令其發放該管總甲各

照地方排門緝訪遇有停留私賣貨物及

天壇南角菜市口羊印關東城角崇文橋宇把巡關方弱不能支恃火甲坐視不行救護聽御史主事量情懲治若總甲容隱許諸人首告或体訪得出通行送問亦不許因而乘機詐則違者以重治

二曰稽適稅以驗課稅臣看得客商來京由水路者或至楊村裝車或至河西務巡檢司着令巡檢司執掌遇有客貨裝車務要從實開寫數目一則去河店發賣出給印信票帖赴崇文門分司照數驗稅方給印信小票進門赴店如巡檢通司客商報數不實及因搔擾取財事發各依律治罪則客商適從有稽而課稅可驗矣

前件看得客商由水路來京者或至楊村或至河西

務裝車貨物一人不在城外私賣則在城內停塌城外已有巡攔總甲緝訪城門又有官軍票帖照驗法網已密貨物難隱若再今前項巡檢司盤驗商稅不惟方兵乘機竊取抑且強盜窺伺剽掠商人受害貨物不來而京師買賣消條矣今當照舊三曰巡詐偽以安客商臣訪得京城有等無籍之徒詐稱巡攔各色將客貨攔當嚇要財物客商不知真為只得與伊財物合無听臣置立察院牌面付巡攔總甲執持前去各處巡視如遇前項詐偽報與地方人等務要併力齊心捉拿臣處痛責送問如地方人等不行捉拿亦各治以重罪則詐偽可無而客商以安矣

前件音得本官奏稱京城有等無籍之徒詐稱巡攔

名色嚇要客商財物誠有此害要置察院牌面付巡攔總甲執持巡視固足以辨其真偽矣然偽者詐錢宜當懲治真者詐錢豈可輕饒合無佳其所言听合本官公同主事置立牌面付巡攔總甲執持巡視如遇前項詐偽之徒報與地方人等協同捉拿若巡攔總甲詐錢詐被害客商赴御史主事處訴告重情輕重發落送門如此則真者偽者俱不敢詐錢而客商不被其害矣

四曰定稅例以減重納臣看得客商買賣水陸堆險辛苦萬端買賣之處已納起稅經過之處累納過稅至張家灣已納課稅到崇文門分司又納課稅各該官員不遵條例多稅錢合無戶部查照舊例章為損益定與則例張家灣起稅幾分張家灣

將稅過貨物分数出給印信票帖付本官賣挑赴崇文門分司投稅照例查稅則稅利一定而客商無重納矣

前件看得本官所奏客商艰难畝量為損益定與則例查得本部主事張鑑奏稱商人販到諸貨若係張家灣發賣者省令赴局投稅若係進城發賣者免起條本部議擬以十分為率張家灣不條三司崇文門收稅七分若張灣不曾起條崇文門照數收稅十分已經奏

准施行別無定奪

五曰禁侵漁以增國稅事臣看得

正陽門宣課司因是走漏課稅於草橋起蓋官廳攔截所收稅官攢巡攔串同本地豪強之人及無籍之徒

迎接客貨在家不令親自投稅多勒銀物少納鈔錢贖物之時入與官攢互相侵盜一分入於私家九分歸於私室芦溝橋宣課司亦有此弊合無照依張家灣事例各委府州佐二官一員順天府發與印信簿籍照例收受巡視南城并芦溝橋抽分御史不時親詣攔驗遇有前弊就便拿問仍出給榜人禁約則侵漁以禁而課稅增矣

前件看得本官奏稱草橋官廳收稅官攢并巡攔串同本處豪強及無籍之徒迎接客商在家不令親自投稅多勒銀兩少納錢鈔又與官攢互相侵盜芦溝橋宣課司亦有此弊要照張家灣事例各委府州佐二官一員前去收受一節合無准其所言行令順天府即委所屬廉能官二員發與印信簿籍令

其分投前去監收草橋行巡視南城御史芦溝橋行
抽分御史不時親詣開驗遇有前弊即便拏問仍出
榜文禁約如此則官攢不敢侵欺而課稅日有所
增矣

六百暴征以息怨臣看得楊村河西二路客商經過馬
駒橋地方其張家灣宣課司在彼蓋造房屋一間
自名分司日有官攢巡攔截稅遇有貨車將車打
住多勒錢物又訪得東安縣地名邵家庄店等強
梁之徒自稱本縣巡攔攔截客貨迫要錢物商客
商被害怨声滿路所得財物多不入官合無將馬駒
橋分司革於歸於崇文門尽數納稅邵家庄店巡
攔行巡按御史查究禁革則暴征以去而客怨
息矣

前件訪得馬駒橋即弘仁橋雖設有張家灣分司副
使一員在彼分管往往串同剽虎海戶及光棍巡攔
數十群而百般恐嚇指詐客車不得前行多取財
物各分入己名雖官設利則私渾及訪得東安縣邵家
庄店張梁之徒自稱巡攔攔截客貨又訪得通州亦
有光棍串通務官攔截鼓車所得財物多不入官客商
被害怨声滿路誠有如御史張祜所言者所騎馬橋分
司合當革去邵家庄店與通州光棍合行巡按御史查
訪拿問禁約再照張家灣宣課司每歲供應光祿
寺淮面一十五萬斤酒醋麵局四萬斤其每年販
到南方酒麵動一萬計官攢同處牙行不實數
報官及致收稅又將低面納官官府不得實用
合無將馬駒橋副取巡取回令其公用本司將

南方販到方麵務要牙人盡數開報收稅已將收過
數目送赴崇文門分司監收過御史主事處稽考
除勾光祿寺酒醋麵局額辦酒麵之外其餘俱收錢
鈔以充額數如此則稅課以足客害可害而豪惡
尤棍逆矣

七日驗詭寄以清課程臣訪得各處客商有等奸詐之
徒串同權豪勢之家并官吏監生旗校人等妄作南
京等處買來自用之物或作原籍供送盤纏之用
不肯投稅合無照依客貨盤驗若係供應衣食
之物免稅如果貨物數多即係與販一体照例納稅
又有將羅段等貨藏匿車底包內上放別物以
圖輕稅搜出以匿稅論貨物一半入官則詭計可無而
課程矣

前件看得各處客商有等奸詐之徒串同及豪
勢之家并官吏監生旗校人等妄作南京買來
自用之物或作原籍供送盤纏之用不肯投稅者
又有將段疋等貨藏匿車底包內上放別物以圖
輕稅者似此之弊誠多合無准其所言今後但有詭
計之物照依客商盤驗納若官吏監生旗校之家
往來供送之車輛內果有供送衣食之物照例免
稅如果貨物數多即是與販一体照例納稅若將羅紗
等貨藏在車底上放則貨搜檢得出即係匿稅就
於匿稅論將貨物一半入官

八日除凌霍以全官攢臣照得崇文門分司該拱
內府供用庫等衙門猪肉磁碗等物各該官員指以催納為
由差令下人來司將官攢打罵非理凌霍有錢方回

又每月打卯到彼要錢物又有地方旗校時常來司撓擾取財廢壞稅法莫為甚所以官攢支持不在或畏避或侵盜往往右逃不見滿代合無供應之物听其照數依限送納不許差凌害亦不必前去打卯地方旗校不許似前撓擾取財去凌害可照而官攢全保矣

前件看得本官奏稱崇文門分司該

內府供用庫等衙門猪肉磁碗等物各該官員指以催納為由差人來司將官攢打罵非理凌害有錢方回又每月打卯追要錢物及地方旗校時常來說撓擾財物官攢不能支持往往在逃一節切詳分司官攢以卑微之賤後處繁劇之衙門

內府供應之物於是乎取商人吳販之貨於此焉微事之冗雜失此為甚各該官員不行体念人情指以催納

為由輒差下人索要財物凌害官吏按月打卯群衆要錢及有地方旗校時常到司撓擾取財稍一逐意輒便攔帖戳番陷害以致官攢一身受辱前程難保在逃勢不容已若不禁約實難支持合無准其所言轉行供用庫等衙門今後一應例該應用之物開窩數目定與限期收監送御史主事着令稅物官依期交納不許差人凌害官吏索要財物及行錦衣衛禁約旗不許前去本司撓擾取討財物如違听御史主事糾舉如此則人知警惧官攢得以保全矣

崇文門宣課司還着御史同主事監收例

弘治二年九月初八日戶部尚書李 等

題為達言事雲南清吏司案呈吏部听選余友諒奉前
事內一件釋市利以存憲体御史之職風憲攸司乃

天子之耳目百賤之綱維繩愆糾繆而奸雄為之歛迹揚清激濁
而內外為之革心斯其稱矣竊見崇文門外宣課司雖
天下客商之輻輳而其賤市閤市之吏古者或市而不征
或法而不壅後世乃併取之我

朝因之立為定制行之已久近年以御史主事各一員收之蓋勢
法豪旗欺公玩黨斂稅錢而所司莫敢告問故假重御
史以鎮之也然稅司不敢詰權豪而稅錢不亢錢不亢其
事小以

天子耳目坐于稅司與小民爭纖芥之利其失大蓋豪勢雖不